

榮河縣志

趙書麟題



榮河縣志

重修榮河縣志叙

民國十八年夏初予由離石縣調宰榮河下車見城垣衙署局所學校煥然聿新皆非舊物詢諸邑紳僉云此前任曾公所新建者予問何故時王君竺僧在座告予曰榮邑舊城向在寶鼎鎮距此廿五里左肩嶺右大河係隋開皇時創建迄今垂數千年河身日高縣城日低潮濕傾圯不勝修理民初紀元羣議遷徙逮至十年始遷至此今者時代變更地勢移易城池街道祠廟墳壝與夫一切制度載在舊日縣志者均與現狀不合矧近來兵匪滋擾河水漲溢案牘遺佚老成彫謝前任陳公揖先欲重修之而未果繼任

郭公春泉方擬續修而他調今失不修後將無徵矣予曰然修之可正擬籌措經費間適南北戰起征糧解餉輓芻飛粟星夜忙碌日無暇晷遂將修志一事置諸高閣去年秋王君復提此事予憮然曰幾忘之矣修則急修事取記實無庸文飾詞取質直勿驚華麗寧缺毋濫寧簡毋繁寧肫樸毋虛僞至於體例宜準諸民國六年省公署頒發條例稍爲變通可也王君唯唯而去遂招集士紳開會組織派員採訪分類編輯並推郭君丹莖王君麗閣膺總纂不數月而書成丐序於予予觀其叙述簡老纂輯謹嚴言雖多而不繁事雖略而備載舊志所有者依類編入舊志所無者照例補

綴繁簡適宜詳略得體予不文亦不暇第序其巔末弁諸簡端付
諸剞劂以昭信史云爾異日省郡修志輶軒采輯則此志之作未
必無小補云岢民國二十年三月定襄聯五張柳星謹序

重修榮河縣志序

昔者大禹作貢其言九州形勢田賦物產詳矣故稷契之倫得本
所述用以布其政教姬周之興使太史採風邦國因時利導遂乃
化行俗美蔚成成周之盛蓋爲政之道必達於地方利病審於民
情誠僞然後始克舉措宜而推行利此後世地理方志所以必不
可闕也余服官數省將及念載凡其所至皆先詳稽邑乘考其所
得以爲施政之本蓋亦隱師先正遺意雖才於古人無能爲役而
高山景行其庶幾焉歲在癸酉余奉調榮河榮河古汾陰地明主
哲后之所經龍圖寶鼎之所見土厚水深民淳俗樸意先聖之流

風餘澤猶有存者下車伊始即索閱邑志僉以重修未刊對詳詢其故則云舊志訖於勝清光緒初載失久未修民國以還前縣長陳公揖先郭公春泉皆欲續輯未果庚午秋張公聯五宰蒞斯土始邀邑紳籌議增修並推傅君靜齋謝君挺生郭君丹蒞王君竺僧王君麗閣李君硯田諸人分任其事屬稿既定以欸絀不獲付印逮至於今猶未遑及此也余聞之憮然有間作而言曰夫事之在公者難舉而易廢功之垂定者易敗而難成旣幸而舉矣且復廢之幸而成矣又復敗之不亦沒前人之勤勞而興一簣之歎惜哉於是重邀前修志諸君復開局參訂蒐其未盡而增其未備體

例遵照 部省所頒修志條例並參以各名家志例區其類爲六

一曰考沿革疆域山川溝洫城池區村屬之二曰畧賦稅公款學制典祀物產禮俗兵防屬之三曰譜職官選舉仕進屬之四曰記古跡金石祥異屬之五曰傳名宦鄉賢文儒孝義列女方技屬之六曰錄藝文識餘屬之凡六閱月而始告成遂籌資若干付之校印以藏未竟之功由是攷形勢之險夷而邊防於以固矣稽物產之豐歉而民財於以理矣察民情之好惡而教化有所措矣仰昔賢之風範而觀感有所興矣凡其粲然之迹已然之效皆足以資吾鑑而輔吾治也是誠余之所深幸也夫若其叙次之詳瞻文詞

之峻潔則閱者當自得之無待余之贅言云民國二十四年十月
繁峙范茂松序

重修榮河縣志序

昔孔子作春秋游夏不能贊一辭竊以文學之賢於聖人筆削之書猶不敢參末議愚何人斯敢於志乘置一辭乎雖然天下事莫爲之前雖美弗彰莫爲之後雖盛弗傳榮邑舊志續修於遯清光緒初葉迄今五十餘年其間政治之改革城池之遷移署廨之建設區村之編製何可令風銷雨蝕文獻無徵耶前知事郭公春泉正擬續修採訪甫竣而郭公去事遂寢歲已巳定襄張公聯五知縣事愚懼採稿散失蒐羅不易急以續修志書爲請遂卽招集士紳開會組織公推郭君丹莖王君麗閣任總纂愚亦忝在分纂之

列發凡起例悉遵省頒各縣修志條例越八閱月而稿始定惜考訂無人竟弗克鉅梓及縣長范公貞如來任斯土二載以還政修人和百廢俱舉因於政務之暇翻閱志稿檢其有未合者研究而增損之刪繁就簡冀成一代完書又恐失之誣且雜也乃邀郭君丹萍李君硯田李君子金王君子保柴君宰丞王君麗閣及愚在府內西花廳相與商榷周爰咨詢講是訂非遠則稽諸碑碣近則徵諸文獻事不厭其詳必求歸於實錄而心始安又於條分縷析中仍以類從而繫之其綱曰六其目二十有四悉本舊志增入新稿分門別類綱舉目張其義精而詳其言簡而當越三月而蕝事

夫以數年未梓之書至今日而始付剞劂是爲之後者固賴有人以開於前而爲之前者亦賴有人以繼於後相沿相襲於以彰其美傳其盛豈偶然哉愚雖固陋不善續貂然書旣成亦應揚挖休嘉庶無負我縣長惓惓之意也夫

民國二十四年九月八日邑人王志叙撰於縣政府西花廳之北
牕下

重修榮河縣志序

嘗思爲山功虧一簣名爲棄山鑿井深不及泉名爲棄井是知凡天下任舉一事創其始而不底於成其間人力之消磨財物之損失猶不若當日相安之爲愈言及此則吾邑縣志之經過不能不略叙巔末俾知此志所由成匪伊朝夕之故也查榮河縣縣志自清季光緒辛巳歲續修後至今五十餘年失遺殆盡凡疆域之廣袤山川之形勢田賦之多寡風俗之淳澆人才之盛衰姑無論青年士子茫然未悉即詢及邑中之士大夫而能言其究竟者亦不少概見冊籍不存稽考無由也迄民國十六年春郭公春泉知榮

事邑人有見於此議重修主其事者武君纘緒旋因事中輟民國十九年縣長張公聯五又復議及推舉傅君靜齋謝君挺生郭君丹波王君竺僧王君麗閣諸人設局辦理惜規模狹具未加精核魚魯亥豕間有參差閣置數年屢議未舉本年春第一次縣政會議同人恐長此遷延原藁或有散佚勢必盡棄前功均主接踵修輯縣長范公貞如深韙其議毅然贊許遂召集開會討論進行事宜議定自十九年以至於今其間人物政事不無變更飭令各區行政人員分赴各管村內詳細調查一面在縣仍成立志書局以專責成奈時值九夏人憚暑蒸補苴未能邁進現在建畢星中新

涼初至范公爲速成起見乃在縣府另闢一室專爲繕修地點每日躬自參加共同研討酌定義例俾臻完備凡刪剪繁複斟酌損益一秉大公分手錄編計日程功越六閱月始行蕝事噫吾邑是志幾經停頓微范公具決心任勞怨其不至如爲山而成棄山鑿井而成棄井者幾希人存政舉良有以也殿獎謫陋荒情濫竽其間幸觀厥成行付剗劂爰綴數言誚忘蒂苦異日觀風問俗輶軒下採庶不歎文獻之無徵云爾民國二十四年歲次乙亥八月邑人李殿熒謹識

重修榮河縣志姓氏

總修

前署理榮河縣縣長張柳星

簡任職任用調署榮河縣縣長范茂松

參閱

榮河縣政府第一科科長兼秘書魏正言

榮河縣政府第一科一等科員張亘

纂修邑人

清廩生山西法政畢業歷充榆社高平縣承政郭廷瑞

分修

清生員山西優級師範畢業獎叙舉人前充蒲坂中學校長 謝峻

清生員民國第四屆考取縣知事署理陝西醴泉縣知事 李殿熒

清附貢生日本明治大學法科畢業前省議員荐任職分省任用 王志叙

清生員山西師範學校畢業 王壯猷

清生員山西優級師範畢業歷充山西省立第四師二中九中各校校長 柴繼羔

清生員民國河東道考取俊士現充教育局督學 王錫極

清增生山西法政專門學校第一班法律科畢業 李傳壘

山西大學文學院中國文學系畢業 謝守中